



苗防備覽

卷十二 城堡
卷十三 屯防

ル 5
842
5



門凡呂5
號 842
卷 5

苗防備覽城堡

城以衛民崇垣高墉近廳縣治者得所憑恃矣而地當扼要
衆之所圍聚者或未有以蔽之各當事是以有建堡之議也其
地雖衝要而狹隘不能建堡者則議作壘以棲壯丁奏修
各城堡業已次第官修而麻瀘乾三處則民堡爲多鳳凰一廳
則民壘尤衆鼓舞激勵地方司牧所爲爲斯民奠磐石者用心
亦良苦矣作城堡考

瀘溪縣城

瀘溪縣治自唐及歷代無城堞明崇禎十三年知縣梁宏始倡邑人
捐修採石築城周三里七分餘高一丈六尺寬厚五尺門大小十

故文學市川正君紀念

明治三十七年二月二十日
瀘溪縣志



故文學市川正君

一樓五 國朝雍正十一年知縣張宏烈重捐修城垣更砌女牆
凡四百九十六但當沅江武溪二水之涯東南二面多被水衝傾
塌舉足可踰西門外則山高於城尤易俯窺乾隆六十年邑令黃
炳奎請公項千餘金黏補傾塌處悉用石修砌加封火磚排牆高
五尺餘又設炮臺數座自是規模一新足資捍衛矣

沅溪石堡圍長二百四十三丈入土深一尺出土高一丈塚座排牆
高五尺底寬七尺頂寬六尺外牆砌寬一尺石二進內牆砌寬一
尺石一進裏一進用毛石插灰泥砌中心夯築素土頂寬二尺底
寬三尺上海漫石厚六寸西北面東南面各建堡樓一座用銀一
萬九千八百九十一兩有奇

浦市堡基本市場地勢散漫六十年四月通判周士拔回任以本市
重地苗頻窺伺勸諭商民募貲修土堡一座後以堡東面濱大江
西南二面亦時有溪水沖漲土堡非經久計改用磚石時商民初
復業周通判借留防公項接濟工需至嘉慶二年冬工竣共長一
千二百九十餘丈高一丈五六尺一二尺不等東南二面沿河砌
岸碼頭悉巨石修砌塚口排牆用火磚封成堡門八曰德星利濟
大全保庶安寧彰武福星大定門傍各設卡房一所公項亦陸續
歸欵本堡工成浩大三年內周通判諭告經營費盡心血首事生
員楊世勳陳御六等與各商民踴躍急公其尙義俱有足嘉者
瓦寨壠堡在浦市西地勢高廠拊市之背中隔印家橋小溪築土堡

一座周圍約二三里

浦溪堡在浦市南里許爲本市左臂中隔溪水一道築堡從黃泥橋起至巖龍頭止約長三四里嘉慶二年紳士宋人傑等倡修蛾眉灣堡在浦市北街道毗連爲市右臂築堡由新橋繞巖子坡至舊街上河坎止約長二三里嘉慶三年修

以上三堡與浦市勢同輔車均通判周士拔勸諭捐修

達蘭土堡城南九十里堡址一百丈

踏虎石堡城西南一百三十里當巴斗山東麓堡址四百數十丈

天堂土堡城西南一百二十里與踏虎氣息相連堡址周一百一十丈

興隆場土堡城西南一百二十里就原市場汎地築堡一座堡址周

四百餘丈

乾田坪土堡城西南一百一十里當地灰壠龍潭冲兩要口堡址周

一百二十丈

五里坪土堡城西南一百十五里爲興隆場藩蔽周一百三十丈

馬路頭土堡城西南一百二十五里巴斗山麓周一百十二丈

都里坪土堡城南一百里與武偃聲勢相連堡址周二百餘丈

武偃土堡城南一百一十里當鵝栗坡要口堡址周八十餘丈

巖坡土堡城南一百二十里在彭總管村後山上爲往時屯兵之所

堡身六十餘丈

老寨腦土堡城南一百里堡身周六十餘丈

密登土堡城南一百一十里與烟竹坪近堡址周一百丈

龍潭冲堡城西南一百二十五里木小汛地當狗嵯巖要口因險增防築堡周四十餘丈

三冲坪堡城西南九十里當三層坡脚因險增防築堡周四十餘丈
已溶堡城西南一百三十里在狗嵯巖龍潭冲之中極爲要口堡址周一百三十丈

長羸坡堡城南七十里在土寨烟竹坪堡址周一百六十餘丈

康家腦土堡城南七十五里在土寨小張前堡址周一百一十丈

小張土堡城南七十四里與康家腦接堡址周五十丈

大西老石堡城南六十五里與長羸坡犄角相援堡址周七十丈順二十五丈橫十二丈堡身俱青石砌成

瓦槽堡城西南八十里與小章毗連地勢如層城已詳險要門中因險加築堡址周一百一十丈

穿洞堡城西南九十五里在土寨大張後地勢穹窿山阿中有石洞寬廣里許於洞外因險增防築堡周六十餘丈

牛洞堡城西南一百里在土寨竹坪畧寨之間山阿亦有石洞與穿洞相類而高廣弗逮於洞外因險增防築堡周七十餘丈

截草坳堡城西南九十里與白泥田橋排相鄰堡址周六十餘丈

長冲堡城西南七十五里與大西老土寨毗連堡址周五十丈

湖田堡城西南六十五里通爆木坨要口堡址周九十餘丈
茅坪堡城西南七十里與湖田堡相鄰堡分二處一在紅土坡周四
十餘丈一在青山架周三十餘丈

以上各堡俱在匹都上下五都一都大小章犴村中嘉慶二年
姜中丞駐節辰州捐廉俸屬辰州田太守灝經畫其事分派麻瀘
紳士帶鄉勇集壯丁就各要隘相度興工而別令鄉勇頭目舒致
新至大小章團練土人以助聲勢勸諭土人亦相地築堡自相捍
衛九月各堡以次興工至十二月次第告竣

麻陽縣城

縣城明洪武初築土城基景泰六年毀於苗成化時都御史吳琛奏
行知府易貴都指揮鐵堅因舊基築城宏治時知縣程良能展包
縣治增建東西二門正德時兵備副使徐潭委通判周參督知縣
張焯等修築磚城其門四周圍共計四百四十一丈修串屋四百
八十一間東南臨河無池北池濶六尺深三尺嘉靖間苗叛知縣
朱瓚開北門上建與存樓萬歷時知縣蔡心一建兵馬司招兵防
禦崇禎間知縣程國祚修治增雉堞三尺後漸圯 國朝康熙二
十五年知縣黃志璋重修用石板平蓋築以堞口不用串樓以圖
永固四門各建鼓樓一座迨後春雨綿驟衝缺將半三十一年知
縣陳輝璧委典史呂文龍督修頗稱完備雍正三年知縣丁育果
重修改南門於舊址七年東門城樓火知縣趙宏儀捐建鼓樓一

古蹟傳聞 卷十二 五
座乾隆七年署知縣事官受祿委典史施敬修修理城始盡用石女牆盡用火磚但城身過卑舉足可踰女牆堞口亦多傾圮嘉慶二年知縣閻廣居請公項於城外西山就三峯各造礮樓一座又以城西當苗衝勸諭居民合力築土牆一道自東至西綿長三百六十五丈高一丈厚二尺五寸跨山越河包裹礮樓捍禦城垣就小路造石卡門二座俱於二年八月次第完竣
巖門石堡城東北五十里周圍五百六十一丈堡身出土高一丈入土深一尺外砌青石二進內砌青石一進中心填土夯築頂海漫石底寬七尺上寬六尺排牆高五尺東西各建堡樓嘉慶元年正月署麻陽縣事張其瀚督修至二年四月完竣

高村堡城東七十里嘉慶元年九月紳士滕家瑞紹光唐佐等捐贊倡修堡址四百五十餘丈堡身下砌巖脚上用素土夯築入土深一尺出土高一丈下寬五尺上寬四尺頂砌排牆一道堡門四座二年春工竣三年冬紳士滕家圭復與紹光倡首捐贊修炮臺四座

濫泥堡城東一百里嘉慶二年春廩生蒲縉等倡率里人捐修堡址周五百餘丈堡身下砌巖脚上用素土夯築入土深一尺出土高一丈下寬五尺上寬四尺頂砌排牆一道堡門四座於是年夏秋之間工竣

土潭堡城東八十五里堡址周六十餘丈紳士滕唐佐督修

大寮石堡城東一百里當巴斗山要路與瀘溪之踏虎各堡聲息相
援堡址周一百三十丈紳士滕家瑤偕張我榮督修

巖羅寨土堡城東北一百里當官莊溪口要口堡址周一百三十丈
紳士滕紹光張世謙等督修

連雲寨土堡城東北一百五里與巖羅寨聲息相連堡址周一百四
十丈紳士滕紹光張世謙督修

新寨土堡城東北一百三十五里在巴斗山西麓當乾鳳兩廳要路
堡址周六十餘丈紳士滕家瑞督修

牛尿洞堡城東北一百一十八里與新寨犄角堡址周七十餘丈紳
士滕家瑞督修

小午冲堡城東北一百二十里為新寨牛尿洞外蔽當乾鳳要隘堡
址周二百三十餘丈紳士滕家瑞督修二年十一月二十一日於
工次禦苗身亡三年瑞兄家圭鄉勇頭目張正文等率壯丁補修
至二月工竣

以上各堡俱嘉慶二年姜中丞捐廉募修派出力紳士分築詳前
瀘溪各堡及後雜識中

巖門約所管之村地名大坪黃泥冲談要村大路胸藍絲塘黃桑冲
大橋邊楊柳坪洞溪燒香田黃沙村船橋卡各築土堡一座共一
十二座

石羊哨堡距城東北七十五里所管之村地名雙江口通達松溪新

橋楊家寨清溪坪上板栗冲下板栗冲黃公冲各築土堡一座共八座

武巖約所管之村地名板栗樹藍家冲塘田冲大壠門子均巖坎隴地藤溪小禾冲濃石洞荒園燕子巖長冲各築堡一座共十二座車頭甲城東北六十里所管之村地名老寨腦上草坪周家壩陰山田車頭六甲竹林各築土堡一座共六座

高村約所管之村地名牛寨大補老雙汊大茅草子溪鹽井巖拉捍子哨料溪石坡各築土堡一座共十座

白羊甲城東北九十里所管之村地名白羊甲古大坪苦栗寨死牛坡各築土堡一座共四座

秉義甲城東北一百三十里所管之村地名太平溪牛角冲各築土堡一座共二座

袁坪約城東八十里所管之村地名桐木村城頭田栗子溪玉盤村王岔老屋村茅坪寨淥溪口招諭中寨老屋冲七里坡羅湖竹園大庇田要村茅坪陸竹塘三家村新店上橋頭下橋頭圪圍舊屋場得勝嘯歌村栗坪廟上三甲上黑水下黑水各築土堡一座共三十座

桐茶約城東北一百四十里所管之村地名茶溪坤牛坪坡田蠻山蠻村黃山脚大塘洞龍頭龍圖園各築土堡一座共九座

濫泥約所管之村地名周家堡張家堡大塘冲巖院子各築土堡一

座共四座

新營約所管之村地名新營三耀村木槿溪巖寨九寨田董家呂家
坪老坪各築土堡一座共八座

白龍約城東四十五里所管之村地名杉木溪柳場麻汶溪亭子坪
各築土堡一座共四座

逢耶約所管之村地名執田腦王各築土堡一座共二座

白泥甲城東四十里所管之村地名白泥田老屋場新屋場宋家灣
響水吳公橋大坪頭黃茅坡各築土堡一座共八座

潭石約城東三十里所管之村地名桐木坳老營寨太平寨楠木橋
毛坪寨田家寨梅貼上咸池坳禾頭塘大平鋪下咸池坳水尾上

坪桐油林竹子坳大塘冲牛眼灣譚公冲古坪長冲雷打巖敗泥
塘老獅巖新公山白竹林龍溪山車木坳各築土堡一座共二十

六座

官村甲城北十里所管之村地名蒿菜坪米沙場茅東坡野蕎坪龍
頭寨龍船寨龍坪各築土堡一座共七座

杜壤約城西北四十里所管之村地名米沙劉家壠老窰村巖坎上
榜裏桐木蔭各築堡一座共六座

乾洞甲城西北五十里所管之村地名乾洞亂石堡一座周圍百餘
丈高一丈一尺厚五尺生員劉長翽等捐貲倡修松樹寨太平寨

竹坪寨曹家寨老虎溪各築土堡一座共五座

巖口甲城東北三十里所管之村地名井次寨張公坡曾家屋場塘頭山麻叫塘水塘西冲山牛眼嶺社書坡姚家藥鐘寨各築土堡一座共十一座

巖洞甲城北四十五里所管之村地名黃家坡干峒水津墟江夏溪蜡螃溪黃土坡楊家寨各築土堡一座共七座

長梁約所管之村地名菖蒲溪修築土堡一座周圍長九十五丈

以上各堡有官給銀米資助興築有居民自行修築元年州判吉守已奉畢制軍札勸諭興工二年知縣閻廣居到任親爲督率加以激勵各村踴躍從事是冬兵備道成寧通飭三廳永保麻濶苗疆廣築重堡籌項濟工至次年二月各堡陸續

乾州廳城

廳城明屬鎮溪千戶所正德間土人捐貲建城甃以條石高一丈五尺周環二百三十九丈爲門三東西南各一歲久漸圯國朝康熙四十三年改爲廳城五十三年同知周全功重建譙樓於三門之上又於城西建二樓五十九年同知佟世英以正城湫隘民居十不容一乃環正城繞西北山谷而南臨於河築土垣衛之周長四百餘丈高八尺寬厚五尺乾隆六十年毀於苗嘉慶元年入善後案內同知趙貴覽領帑承修擴舊址加廣周圍六百四丈高一丈二尺底厚八尺頂寬六尺城門三座堞座排牆高四尺厚二尺俱用青石砌成經費旣多工程亦固

桂巖坡卡土堡城東對河堡址周圍六十三丈

田家園卡土堡距城二里堡址周五十五丈

上庄園卡土堡城西二里堡址周六十丈

標營坡卡土堡城北里許堡址周五十丈

中巖屋土堡城東十八里堡址周六十丈

強虎哨石堡城西南十五里堡址周一百五十丈堡身入土深一丈
出土高一丈底厚七尺頂寬五尺中心券築素土塼座排牆高四
尺厚二尺俱用石砌堡門炮臺各二座嘉慶二年官修

三岔坪土堡一座城西八里堡址周八十五丈

灣溪汛石堡城南十里堡址周一百二十丈嘉慶二年官修

鎮溪營石堡城北二十里堡址周二百五十六丈嘉慶二年官修

溪頭營堡城北二十里堡址周六十丈

良章營堡城北三十里堡址周六十三丈

鎮靖營堡城北二十五里堡址周五十丈

河溪石堡城東三十里堡址外圍長一百八十丈內圍長一百七十
八丈入土深一尺出土高一丈底厚八尺頂寬六尺五寸中心券
築素土頂鋪海漫石厚六寸塼座排牆高四尺厚二尺俱用青石
砌成門立二門堡樓炮臺嘉慶二年官修共費銀一萬九千六百
六十一兩二錢六分九釐

按善後案內以三廳城垣未便移建議將撤出苗地塘汛兵於各

城四面要隘隘口添建礮卡駐以多兵用爲屏翰嘉慶二年督撫會奏修鎮守城外觀景山冷風坳大坡腦插草坡沱田二坳青平灣永綏城外西山梁黃土坡乾州城外田家園桂巖坡上庄園標營坡各等處礮卡又奏小鳳凰營巖門石羊哨高村得勝營廖家橋鎮溪所樂豪強虎哨灣溪河溪喜鵲營花園隆團涼水井沙子坳鴨保寨滾牛坡董馬古仗坪烏宿洗溪浦市四都坪諸安重兵之處俱應築堡委員估辦興工各堡已入奏案者多係領項官修免巖毛石堡在廳城對河堡址周二百七十一丈

皮耳坨石堡城南三十里堡址周四十丈

烏鋤石堡城南三十五里堡址周四十五丈二尺

龍潭石堡城東南三十里堡址周四十二丈

周家寨石堡城東南二十餘里堡址周六十三丈

張排寨石堡城東二十里當河溪要道堡址周一百丈

小莊石堡城東十五里爲河溪至城必由之路堡址周一百丈

鴉溪石堡城東北十五里當廳城鎮溪所之中小溪環繞極爲要隘

堡址周一百六十丈

排巴肉石堡城東二十五里與海螺潭共築一堡堡址周七十三丈

老樹村石堡城東二十餘里堡址周六十二丈

那金寨石堡城東三十餘里爲土民村落堡址周七十七丈

太平溪上寨土堡城東三十餘里在太平溪側堡址周十四丈

司馬溪土堡城東三十五里與瀘溪接界堡址周三十二丈

平里石堡城東北三十里堡址周五十八丈堡身用毛石砌成

單討寨土堡城東北二十五里堡址周五十九丈

振武營土堡城東北二十餘里與溪頭汎合築一堡址周七十三丈

康家坪土堡城東北三十餘里堡址周五十二丈

然洞坪石堡城東北三十五里堡址周七十餘丈

馬頸坳土堡城東北四十里當往保靖要道與溪舟村共築一堡堡址

周一百四十六丈

已彼土堡城北四十餘里與保靖接界堡址周一百三十八丈

阿著石堡城北四十餘里與保靖接界堡址周六十四丈

喜鵲營土堡城北五十里與保靖接界地當要隘與榔木坪孫家坨

各村共築一堡堡址周一百四十一丈

二丈

扯鴉寨石堡城北五十餘里堡址周一百一十八丈

達牯壤土堡城北五十餘里堡址周五十三丈

大坪土堡城北四十餘里合峒長寨毛坪各村共築一堡堡址周七

十八丈

蕩磯石堡城北五十餘里與保靖之夯已接界堡址周五十五丈

馬駝路土堡城北六十里與喬六寨共築堡址周六十七丈

下著落堡城北五十餘里與排古首清江坪各村共築土堡一座堡址周五十三丈

上著落堡城北五十里與大富坪小江底各村共築周八十三丈

彌彼寨土堡城北五十里與新寨共築一座堡址周七十八丈

迷漚寨土堡城北二十五里堡址周一百二十五丈

上老土堡城東北二十五里與蜡洞溪合築周一百零八丈

五龍寨堡城東北三十里堡址周七十三丈

下寨堡城東北三十餘里在太平溪側堡址周一百零一丈

把金寨土堡城東北三十餘里在土民村中堡址周二十六丈

隘口石堡城西四十五里堡址周八十七丈

補駕寨堡城西二十五里堡址周一百一十三丈

按乾州廳中善後事宜奏修河溪強虎哨各堡業經次第修成二年秋姜中丞與兵備總戎寧通飭三廳永保麻瀘各屬民村悉築土堡用資捍衛官爲酌給錢米於是本廳膏沃南鄉紫金大壩中其間如皮耳坨硯池井等處要地次第作堡而東北之著落巴彼把布那金司馬溪喜鵲營等處民兼土力能抗苗頗知自謀捍衛築堡尤多三年秋同知閻廣居到任加以鼓勵各堡以次完竣

鳳凰廳城

廳城自元至明爲五寨司土官土城嘉靖甲寅年張岳開府沅州移麻陽參將孫賢駐防始建磚城開四門覆以樓久而漸傾國朝

康熙四十八年改爲廳議建石城五十四年督撫至州縣各捐俸助修總共事者分巡辰沅道周文元通判莊清度督工役者吏目蔣大章城成高一丈五尺寬厚七尺周環一百二十七丈女牆四百七十有五東西南北各一門門各建譙樓於其上乾隆二十年巡撫陳宏謀二十八年巡道紀虛中先後會議以廳城隘甚糧汲軍民多駐城外不可恃以守至嘉慶二年同知傅鼐相度地勢領帑就城東北角起至東南角加擴二十丈均照乾隆五十一年添建城垣之式又於西門外新建月城一道圍長一百二十丈四尺底厚九尺頂寬七尺入土深一尺出土高一丈一尺四面立城門門臺各一座俱用青石砌成較舊城加廣三分之一兵民得列處其中差免湫隘之患矣

浪中江堡城西六十里卽小鳳凰營堡址周圍長一百八十四丈方尺堡身出土一丈入土深一尺底寬八尺頂寬六尺五寸俱青石砌成棗南北開門三座砲臺二座嘉慶三年修後於堡外土坡山加建石礮一座

廖家橋堡城西二十里堡址周圍長一百八十八丈堡身高六尺折寬五尺俱青石砌成堡門門臺各二座嘉慶三年修

樂豪堡城西二十餘里堡址周圍長一百六十八丈堡身高六尺折寬五尺俱青石砌成堡門門臺各四座嘉慶三年修

晒金塘堡城北七十里堡址周圍長一百五十八丈堡身高六尺折寬

五尺俱青石砌成堡門門臺各二座嘉慶三年修

以上各堡俱同知傅鼐與營員籌款公築

得勝營堡城北四十五里堡址周圍二百餘丈堡身入土一尺出土

一丈底厚八尺頂寬六尺排牆厚二尺高四尺俱青石砌成堡門

四座堡外山梁建石礮二座工程極為完固嘉慶二年衡山縣知

縣牛曾若奉檄領帑承修

城外觀景山冷風坳大坡腦插草坡坨田二坳青坪灣六處各建礮

樓一座每座三層下一層高六尺中空八尺四面各寬一丈三尺

四寸上一層垛座排牆共高四尺四面各寬一丈二尺八寸中層

下層共鎗眼十六處各寬二寸高八尺各礮之制約畧相同

鎮城四關共礮四十四座

東關山梁礮十四座 南關山梁礮四座 西關山梁礮十四座

北關山梁礮十二座

東北沿邊共礮二百座卡三十座

插草坡至四方井汛礮八座 四方井至黃土坳汛礮九座卡三

座 黃土坳至清溪哨汛礮十五座卡四座 清溪哨至黃巖江

汛礮十九座卡四座 黃巖江至靖疆營汛礮十七座卡三座

靖疆營至高樓哨汛礮十三座卡三座 高樓哨至得勝營礮二

十一座卡三座 得勝營至三角巖汛礮九座卡二座 三角巖

至龍滾汛礮二十二座卡二座 龍滾至晒金塘汛礮十七座卡

一座 晒金塘至舊司坪汛礮二十二座卡二座 舊司坪至灣溪汛礮二十八座卡三座

西南沿邊共礮七十座卡十座

冷風均至櫻桃均汛礮十四座卡二座 櫻桃均至廖家橋汛礮

十二座卡二座 廖家橋至金勝營汛礮十二座卡二座 金勝

營至樂豪汛礮十四座卡二座 樂豪至丫刺營汛礮九座卡一

座 丫刺營至落潮井汛礮九座卡一座

西沿邊共礮三十五座卡九座

大坡腦官礮至大均卡一座 大均至木林橋卡一座 木林橋

至白巖卡一座 又由廖家橋後身至巖坎營礮八座卡一座

巖坎營至啞叭洞礮三座 啞叭洞至羅田寨礮四座卡一座

羅田寨至四路口汛礮五座卡一座 四路口至殺牛坪礮三座

殺牛坪至潭江汛礮五座卡一座 潭江至平寮礮四座卡一

座 平寮至魏家庄礮三座卡一座

東後圍共礮三十座卡八十二座

小田至平臯礮三座 平臯至新路坡礮四座 新路坡至龍潭

礮六座卡一座 龍潭至官莊礮四座卡三座 官莊至溪口礮

八座卡二座 溪口至木江坪礮二座卡九座 木江坪至巖壠

礮一座卡十五座 巖壠至均勻坪礮一座卡十五座 均勻坪

至長贏坡礮一座卡七座 長贏坡至綱祥卡五座 綱祥至狗

昔陽作軍城集 卷十二 一五
舊嚴卡六座 狗舊嚴至牛場口卡二座 牛場口至小魚梁卡
二座 小魚梁至倉門洞卡五座 倉門洞至下溪口卡四座
東後路共碉二十八座

蘆荻坳至石羊哨汛碉十座 石羊哨至船橋卡碉三座 船橋
至楊柳坪卡碉五座 楊柳坪至巖門碉十座

以上碉式俱倣照觀景山等碉同知傅鼐於嘉慶二三四五年先後
籌款修立自後乾州保靖永綏並銅仁松桃均於要隘次第修建
碉卡約計千數百座防維益固惟山內設碉卡之處人跡稀少風
飄雨零不時加補葺則兵練不能存佳久之日就傾圮前勞盡棄
議歲修之費庶可經久

民壘

白巖壘 落潭江 老屋場壘 廖家橋壘 樂豪壘

麻塘灣 木根井壘 弔旁興隆 螞蝗塘壘 木林橋壘

菖蒲塘 大坳壘 土橋坳壘 水坨壘 古塘壘

迴龍谿 大坡腦壘 上栗林弓 興隆寨 對江坪

櫻桃坳壘 涼水井壘 厚巖壘 新屋場 永安哨

土人壘 永興坪 瓦廠 巖坎營壘 龍家井壘

以上木林約民壘三十座

晏家田壘 水桶井 天元寨 官寨壘 治牙壘

天保寨 舒家塘 打望坡 木林塘 娘娘壘

香爐壘 榮龍壘 花氏中 畫眉均 巖牛塘

猿人壘 烏鴨壘 裕後壘 龍興壘 龍潭冲

黃巖壩 砲樓坡 濫泥溝 錫房壘 杜家坡壘

中寨壘 楠木冲壘 金子江壘 本寨壘 新壘

茶園均 東景坪壘 亭子關 得勝嶺 大坡腦

鳳凰營老廠 栗樹關壘 宜都營壘 王會營 刺營壘

雷打灣壘 鴨叭洞 巖寨壘 落潮井壘 騾馬壘

以上治牙約民壘四十五座

都素巖寨落 興隆壘 朝陽寨 老屋排 鄧家壘

老永田 獅子壘 藁薦壘 螺獅坡壘 馬頸壘

沙羅寨 永興壘 援垞巖壘 大灣滿 藍絲壘

茶山烏井 古峯壘 大坪矮 大壠壘 虎坡壘

迴龍壘 天星塘 禾鬚坑 螞蝗田 竹坪溪

茶田壘 柳木壘 洛形壘 十八坪壘 乾溪壘

楊家寨 興隆壘 萬根溪 牛場壘 沙子均壘

茅坪壘 木江坪 水尾楊 蘿蒲溪 均勻坪壘

塘冲壘 大管冲壘 萬芽壘 麻良壘 屏峯壘

以上都桐約民壘四十五座

弓兵洞壘 深陂壘 楚里壘 塘坨壘 大板

黃土均壘 巖山壘 中寨壘 得架壘 定板

黃連溪壘 務頭本寨 以上務頭約民壘一十二座

古冲壘 洞口哨壘 猿人坡 牛耳洞 瓦場壘

爐冲壘 奇梁壘 苟田壘 高峯營壘 龍滾壘

靖疆營壘 清溪哨壘 茶園坳 油菜塘 花苟田壘

殺牛坪壘^二 都容壘 黃土坳 楠木坨壘 新田壘

王家寨 牛欄山壘 彭水井 黃巖江壘 後山壘

長寧哨 大和火 牛壠洞 茶園坳壘 新地溪

塘均壘 棗子均壘 矮營關 芭蕉壘 金雞腦

大寨壘 竹山壘 以上都吾約民壘三十七座

窰來壘 新屋場 安營關壘 砲樓坡 高規壘

高林坪 迴龍坡壘 草鞋塘 濫泥溝壘 天星塘壘

下天星塘 楓木林 永隆壘 犀牛壘 本寨壘

苜蓿冲壘 老巖橋 新巖橋 小巖橋 新寨壘

宜都營 以上大汶約民壘二十一座

毛都宿壘 江夏谿 楊家寨 小巖山 坪壘

仁杏樹壘 猴往洞壘 楊柳塘 毛坡石壘^新 蔡家坪

楊家洞 中塞壘 黃羅寨 本寨壘 天龍寨

黃蜡洞 清水哨壘 中華庵壘 巖屋坪 老巖屋

以上羅約民壘二十座

黃公冲壘 燕子巖壘 上雙江口 下雙江口 栗山坡

樓房壘 牛欄山 弔巖 荒畚 尖桐山

茅坪 川溪 蜡桐山 澎士規 都容坪

獨坪 巖腦上壘 新屋場 高馬塘 黃鱸嶺

黃屋壘 池坪壘 麻都灣 塘次 黃蜡溪

板栗冲 甕泡壘 濫泥山壘 山房壘 落馬壘

雙坪壘 涂家園 竹子均 高馬塘 宋家濟

以上水田約民壘三十五座 庵堂坎壘 界石壘

朝天寨壘 小都羅壘 洞下江壘 燕窩廠 山背壘

老塘壘 茶坪壘 高硎壘 大平腦 米巖溪

榴木坪 大都羅嶺 牯牛坪 爆木林 矮營寨

黃潭壘 林寨壘 山口 乾畬坪 古冲

合水 巖坎冲 四方井 上寨壘 高寨

獅子油井魚 新廠 泰冲 楊家壩 仙鶴洞

秤坨巖壘 司馬均壘 老婁硎壘 楊家壩 仙鶴洞

坵上壘 皂泥潭 長良馬壘類 以上都羅約民壘三十八座

龍潭 長坪 茶羅壘 三箭塘 平空壘

譚公冲 大灣 菖蒲塘 溪口本寨 三汶

上萬召 下萬召 雨落溪 毛坪壘 杜夜壘

蠻寨 祖山坪 黃泥田 官莊壘 烏栗

三條巖 野鷄寨 塘冲壘 拖梭壘 以上溪口約

民壘二十四座

老冲壘

罵楚壘

巖壘

上長車

下長車

雷公洞

營寨壘

茶蘿壘

都吾本寨

以上麻良約

民壘九座

卡

小田卡

城東

蘆荻均卡

城東

石羊哨卡

城東

鵝栗均卡

城東

九芽溪卡

二卡 城東

長管坡卡

城北

狗髻巖卡

三卡 城北

老虎口卡

城北

魚鱗梁均卡

城北

冒州卡

城北

猪門卡

三卡 城北

麻沙溪卡

城北

火燒坡卡

城北

遊兵均卡

城北

聶家祖卡

城北

高峯營卡

城北

奇梁橋卡

城北

花狗田卡

城北

杉木壠卡

城北

黃土均卡

城北

長寧哨卡

城北

潭江卡

城西

殺牛坪卡

城西

啞叭洞

三卡 城西

廟均坡卡

城西

對江坪卡

城西

巖坎營卡

城西

羅田寨卡

城西

龍家井卡

城西

永興坪卡

城西

龍潭冲卡

城西

炮樓坡卡

城西

鳳凰營卡

城西

涼水井卡

城南

麻衣冲卡

城南

掌扇巖卡

城南

黃巖壩卡

城南

以上各壘卡有地屬乾州及麻瀘二縣者一時因利乘便扼要制勝地方司牧不分畛域練丁修築雖其地非鳳地而當日之兼爲規畫者莫不有深意焉故仍照舊案收入鳳凰廳
按鳳凰廳善後事宜奏修得勝營廖家橋各堡二年兵備道成寧通飭苗疆各村勸修民堡時乾鳳二廳難民雖招徠復業而孤落

僻村尚有瘠苗逗畱同知傅鼐練鄉勇團壯丁驅逐瘠苗清復一處卽築壘一區撥壯丁給軍器屯守於要隘築卡捍禦廳之黃羅寨水打田等處各築大堡其他烟戶零星地勢逼仄者則令分作數壘互相聯絡壘制因地制宜寬數丈十數丈長十數丈二三十丈不等壘身用毛石砌脚二三尺加封上磚二層高四五尺上築排牆一道旁開鎗眼備瞭望施放火器之用約壘容壯丁數十人牲蓄籽種亦貯積其間

永綏廳城

廳城舊屬苗地 國朝雍正八年撫定六里生苗建設今廳

欽定名曰永綏九年辰州知府李珣鳳凰廳通判徐嘉惠議卽吉多

坪築土城十一年同知永泰請改建磚城凡二十二月城成周環五百八十五丈高一丈五尺寬厚七尺設東西南北小西五門門各建譙樓一通費銀二萬一千三百四十四兩有奇城基高平足以俯臨衆山彈壓苗民

綏靖鎮石堡卽花園嘉慶二年添設總兵大營請 帑修堡周圍長五百七十三丈六尺計三里一分八釐堡身底寬九尺頂寬六尺入土深二尺出土高一丈一尺外皮用青石做糙丁順灌漿安砌中心夯築素土上築灰土二步頂鋪海漫一層厚三寸做糙條石鋪砌上砌垛口排牆高五尺厚一尺六寸建東西南北東北門五座高一丈七尺進深二丈二尺門各有樓進深一丈簷高一丈四

尺又砲臺五座各面寬一丈五尺進深三尺九寸經始於二年
月至三年 月工竣後改爲永綏廳城

北山梁石礮距城里許當排補美苗路

西山梁石礮距城里許當老鳳山苗路

黃土坡石礮距城里許

滾牛坡堡城西十里當老鳳山苗路通濫草坪土孔各處

董馬堡城西北十里當往花園要路與大小排吾毗連善後案內請

項修碎石堡一座堡址周一百六十丈

鴨保武堡城西北二十餘里當小排吾張坪馬之中爲往花園要隘

善後案內請項修碎石堡一座堡址周一百四十餘丈

隆圍堡城北四十里爲花園永綏適中之地

沙子坳石堡城北四十五里與隆圍爲犄角相倚而地勢較隆圍尤

形勝可據善後案內請項修碎石堡一座堡址周二百二十餘丈

隆圍營都司亦暫駐其中

涼水井堡城北六十餘里與花園聲息相援亦扼要之地善後案內

請項修碎石堡一座堡址周百餘丈

排樓寨土堡城北四十六里

茶洞堡城西北八十里土牆周一百餘丈厚五尺高一丈下用毛石

砌脚堡門二座改爲永綏協城

剛剛寨堡城西北六十餘里

老旺寨堡城西北七十餘里

張坪馬石堡城北三十里扼隆圍之衝地勢高險堡址周一百丈

論曰苗疆官修城堡當邊徼初定營磚石募匠作百費艱難承辦各官黽敏從事勞矣至堡壘之爲民修者不敢上糜

國帑當難黎初復掘葛根和野菜日食不給兼以殘苗出沒不常時存窺伺二三賢司牧仰承 憲德策捍衛之方竭驅逐之力

設法籌項酌給升斗俾不致枵腹從事所爲經畫鼓舞得有今日之高垣崇墉星羅碁布者其心力之瘁疲爲何如哉抑余更有說者人非堡莫憑既有堡以捍民而堡非人莫守愚民圖使身家稍得安樂便忘憂患則今日之聚數村共處一堡者安知

丁漫無統屬安知其不遇有驚變紛紛四竄哉必於各堡旣成之後爲之設堡卒焉以專防守爲之立堡長焉以司督率且爲之營堡田焉俾堡長堡卒養生之有資而後各堡守禦得人而今日之盡心力以締造者非徒勞焉雖然事非一時可成政必待人而舉現各司牧之竭保障勞撫字者漸以殊績上考弗能久淹茲地則凡各堡所宜繼爲之謀以期善作善成垂諸久遠者尙不能無望於繼起之賢司牧云

昔尚不捐無望伏緣城之賀同外云
人奮茲賦以各望河宜繼發之藉以興善於善於善於人
皆人而舉與各同於之...
今日之盡心以...
之營望田...
之...
之...
之...

苗防備覽屯防

趙營平侯金城之屯議初上漢廷右之者卜只二三獨魏丞相
稱後將軍之策為可行謀大功者不諧俗詎不信哉與屯務於
苗疆其尤有難者三廳沿邊田土被苗踞佔必奪諸鋒鏑之中
而後屯有其本邊地不敷分撥必得近邊麻瀘民業而後屯有
其資嘉慶二三年來鼓勵屯練與沿邊悍苗大小百餘戰始清
出民地其間冒險履危者屢矣附近民戶固多尙義急公之人
而愚民之情可與樂成難以慮始則挾私梗議者間亦有之苟
非歷任各大僚堅持定見不怵於利害不搖於異同安能成此
遠猷哉又營平之屯不過供一時征卒食糧經久之規制弗傳

茲役爲耕戰之民謀永固藩籬之計則更必博採羣議斟酌盡善庶可行之久遠各大僚有始創其議者有中持其事者有終成其事定經久之章程者其思慮所存精神所注實周洽於巖疆之千村萬落高下原隰之間其惠我邊黎詎淺鮮哉用於案內前後奏疏關係屯務者編次之至大兵久撤而二鎮一協雷防將弁遇苗躡入輒截擊鵬翔奮揚我武用以警服頑苗尤爲屯務成敗之所繫錄存各奏知沿邊文武如此之戮力同心而始得固吾圉則非第耀一時之戰功而已也

會籌開屯防邊疏

巡撫 祖之望

爲會籌苗疆邊備經久之計漸撤雷防裁減經費仰祈

聖鑒事 臣等伏思理苗之道不外勦撫兩端防邊之策務使兵民相間壘以衛民民以實壘有壘堡以資生聚尤必有碉卡以固防維均田屯勇寓兵於農而後民氣日固兵威日益壯盛加以約束苗弁明示勸懲庶可漸臻馴服久遠相安其間三廳情形各有不同而辦理必須畫一鳳凰廳自嘉慶二年正月以後經同知傅鼐雇募匠夫勸諭丁勇陸續修建沿邊裏圍各路碉卡哨台八百餘座牆濠百有餘里鎮算鎮臣富志那督率將備弁兵幫辦沿邊旣已布置嚴密因得收復廳屬十一約民田除給各戶復業耕種外士民皆知恃邊自衛情願呈出歸公田地二萬餘畝作爲丁勇屯耕守禦之計該同知傅鼐會同委員候補布

政司理問姚興潔等清理丈量僅敷丁勇四千人分授屯種查該廳係苗疆咽喉爲辰浦麻瀘屏障沿邊二百數十里礮卡林立必得了勇六千人方敷更代防守即可裁去鄉勇鹽糧撤退畱防官兵其餘不敷分授之田擬於該同知代爲清理資給復業貼近鳳屬之瀘溪麻陽各民戶內酌量均出撥補卽飭該同知會同瀘麻二縣妥協經辦乾州自灣溪汛至強虎哨與鳳凰廳右營苗寨毗連亦爲喫重經該協阿林布會同該廳閩廣居添建礮卡尙有應增修嚴密挑築濠牆之處亦應一律均田練勇以實邊防其永綏一廳今昔情形不同現擬扼要移駐另摺奏請

訓示俟錄奉

諭旨後與古仗坪保靖等廳縣一體籌酌辦理臣等統會全局公同熟商如此布置周密聯絡聲勢所有畱防兵勇擬於本年二三月間先撤添防官兵一千名四五月春耕後再撤添防鄉勇一千五百名秋收後將原防兵勇次第盡數裁撤其土塘二萬名原係從前畱防兵內裁減之數爲羈縻窮苗起見俟邊防完固永綏措置妥協後陸續全行減撤一切屯丁牛具籽種房屋修費酌量緩急通融撥借毋庸請項開銷其建立礮卡處所及均田屯勇章程統俟辦理完竣之日分別奏咨立案以垂久遠臣等札贖往來熟商畫一定議是以繕奏稍遲合併陳明所有臣

等會籌酌擬撤留防緣由謹合詞恭摺具

奏

為會查苗疆辦理均田輿情踴躍遵

旨覆奏仰祈

聖鑒事竊臣等於上年十月間因初彭齡在貴州具

奏楚省移駐永綏廳協及辦理均田屯勇尚須再行妥議欽奉

諭旨令將移駐事宜會同黔楚督撫體察籌議並均田一事是否輿情所願亦著一併妥議等因欽此除永綏廳協業經內移民苗安靜毋庸再議更張惟黔邊要隘處所應行遵旨添設汛堡各事宜現已札商黔省督撫俟覆到日另容具

奏外其均田一事臣高杞抵任後當將節次體辦情形並將現辦

均田著有成效各緣由業經覆

奏在案臣等伏思均田一事固專為衛民起見然小民每多顧恤目前產業倘因官為督率稍涉勉強即非固圍安民之善策當復札飭該道廳等悉心籌酌並一面詳加體訪查得楚南苗疆東南北三面周圍七百餘里乾隆六十年匪苗滋事如鎮草之上下五崗乾州之濟溪鎮溪永綏之花園茶洞瀘溪之天塘踏虎麻陽之高村巖門以及保靖四都古仗坪之龍鼻嘴等各路民田或被佔據或被蹂躪不可勝計自大兵戡定後復於沿邊寸節修建壘堡礮卡哨臺關門環以兵勇邊民始得漸次復業

耕種惟是

國家經費有常防邊兵勇不能久而不撤遽行裁回則邊備空虛該處紳士兵民等於廢復情形均所身親目擊咸知身家非礪卡不能護保礪卡非練勇不能駐守練勇非屯田不能養贍是以一經傳鼎及辦理邊防之文武各員就近勸諭紳士兵民於復業各田內酌量均出以贍丁勇無不踴躍樂從各就地方情形秉公妥議鎮算一路自與黔交界之亭子關落潮井起東北至晒金塘舊司坪止邊長路雜處處與悍苗接壤共設礪卡八百餘座計挑選防守及備戰練勇六千名每名分別等次量授四五六七畝不等共需田三萬餘畝而鎮算各民戶所均並近

邊清出之田統計止得二萬餘畝其不敷田一萬餘畝經前督

撫臣書麟臣祖之望暨臣吳熊光會同前撫臣馬慧裕先後

奏明卽在同資礪卡保障之麻陽瀘溪二邑酌量分均旋於麻邑各壘均出田二千九百餘畝又於瀘邑各壘均出田二千五百餘畝外尚少田四千五百餘畝復據該二縣士民呈請應於麻邑之河西河東暨上下鄉並瀘邑之浦市等處合力同均以補鎮算之不足又乾州自強虎哨灣溪起至喜鵲營止共設礪卡九十餘座募勇六百名約需田三千餘畝卽於乾州東南北三鄉內一體均給耕守又保靖縣境內自保安汛起至萬巖溪止設礪卡四十餘座募勇三百名約需田一千五百畝古仗坪境

內設礮卡十餘座募勇一百名約需田五百畝該二處山多田少恐均不足數卽就近查明苗典內地民田籌款贖回撥補分給至永綏廳協現已移駐花園茶洞此一路田土本屬無糧前因汛少兵單苗人越界佔種今已安設營汛建礮築堡酌挑壯勇二千名分佈防守俾痞苗無從入邊強佔將田土清丈分給民勇並現住邊內之向化良苗一體屯耕防守以歸周匝臣等竊思安邊之法除屯田而外別無長策在邊民逼處苗巢者固樂以有餘之產業而杜無窮之後患卽離苗較遠及散處後路者亦知唇齒相依衛外卽所以安內且所挑壯勇皆係各廳縣土著民人並非外來戍卒其得授田而耕者非捐戶之親族卽

本戶之子弟名爲均畝歸屯而實與各種已業無異卽瀘麻二邑內距邊稍遠之處丁勇不便往耕仍交本戶佃種酌量輸租亦不過分資餘粟藉以共保藩籬此外如近邊無糧墾田及曠回苗典民田輸之於公亦祇官爲經理與各處均出田畝一律分勇承耕官吏不能藉以侵漁而丁民實可永資耕守且各該壯勇等旣久効力於邊防復皆嫻習於武藝倘或資生無策必致管束爲難是均田非僅以固圉並足以收數千百族之貧民轉爲駕輕就熟之用是以上年偶有乾麻二處生監以圍於私見欲圖控阻及曉以大義隨卽悉願均輸現有乾州麻陽瀘溪等各屬士民多人親至臣高杞衙門具呈以前此偶有一二人

之撓阻恐掩衆百姓之公忱呈詞剖白均極懇切真誠當卽傳
進逐加面詢僉稱屯勇原爲保護我等百姓卽使均出養贍官
兵也是情願何況屯勇原就是我們衆百姓親族子弟自種自
守稍有知識者斷無不感激樂從因曉得有麻陽乾州生監幾
人前來控阻反將我等衆百姓公心埋沒特來具呈剖辯等語
隨用好言獎勵並告知事竣尙當

奏請分別加賞以爲義敦守望者勸該士民等無不歡欣叩感而
去臣等除一面札飭傅鼐等將未均田畝趕緊妥協辦理俟一
律均足另將丁勇田數詳細造具清冊並酌定經久章程一併
送部查核外所有臣等會議緣由謹合詞恭摺覆

奏

部覆屯田章程

爲遵

旨會議覆奏事內閣抄出湖南巡撫阿林保等具奏湖南苗疆東南
北三面周圍七百餘里環列苗人二千餘寨自戡定以後籌修
壘堡礮卡環以兵勇各該士民等咸願均出田畝以贍兵勇數
年以來陸續丈收於上年十月內奏明未經授田鄉勇二千一
百四十一名飭將各廳縣未均田畝一律趕均分撥耕守至裁
存土塘苗兵九千九百三十六名本年自勦洗永綏苗寨之後
遠近苗人願將從前強佔田地呈繳歸公並有逆苗叛產分撥

良苗佃種收租以資養贍均蒙

聖鑒在案茲據辰沅道傅鼐稟報各路田地均已丈收清楚酌擬鳳凰等廳縣共設屯丁七千名並挑畱備戰練勇一千名卽於均出田內撥佃收租其苗人呈繳估田及查出逆產按歲租之所入於裁存土塘苗兵內酌畱五千名足數贍給所有每年應發鄉勇鹽糧及土塘苗兵工食共銀八萬二千七百餘兩米六千三百餘石卽於本年初一日起全行停支現計各廳縣共均出歸公田六萬一百餘畝除分授屯丁承種及提作鄉勇鹽糧共田五萬六百九十餘畝外尚餘田九千四百餘畝自可召佃收租備充歲支公費無須另行籌項其應行儲備銀穀現在

無款可籌應卽酌量捐助以防荒歉而資緩急也如分設屯官鈴束苗弁並訓練丁勇技藝嚴禁私典屯田以及稽查收支均應立法勸懲並申明例禁毋許欺凌索擾除冊造均出田畝授耕佃租各數暨均戶姓名清冊另行咨部立案並一切未盡事宜容俟次第辦理外謹酌擬章程八條另繕清摺謹會同署湖廣總督臣瑚圖禮提督臣仙鶴林合詞恭摺具

奏等因一摺嘉慶十年十一月二十六日奉

硃批大學士會同該部議奏欽此欽遵於十一月二十九日抄出到部臣等查嘉慶九年十一月內據調任湖廣總督吳熊光等具奏鳳凰等廳縣截至嘉慶九年九月底止尙存鄉勇二千一百

四十一名苗兵九千九百三十六名仍令照例支食鹽糧工食
並將各處未均田畝趕緊清丈分給歸屯經戶部議覆在案今
據湖南巡撫阿林保等奏報各路未均田地丈收清楚酌擬章
程八條_臣等查均田養贍丁勇原爲緩靖苗疆起見立法務極
周詳而成局期能悠久今各路均出田地共丈收六萬一百餘
畝酌於鳳凰等廳縣分設屯丁七千名按名授田耕守並挑畱
備戰練勇一千名卽於均出田內撥佃收租支給鹽糧其苗人
呈繳佔田及查出逆產亦經查清按歲租之所入裁存苗兵五
千名足敷贍給所有每年應發鹽糧工食銀八萬二千七百餘
兩米六千三百餘石於本年初一日起全行停支並申明

舊例禁止民人擅入苗寨以杜釁端辦理尙爲妥協至於設官
以嚴約束訓練以精技藝召佃以裕經費捐廉以資接濟亦爲
長久安定苗疆之道_臣等按所奏八條悉心核議惟挑畱練勇
一條應令該撫轉飭如有缺額卽行挑選壯勇募補足數以資
捍禦召佃撥存餘田籌捐存貯銀穀清查逆苗叛產三條據稱
毋庸報部竊恐日久弊生有侵蝕虧挪情事應令年終將收支
各數報部備查其餘四條均應如所奏辦理至一切未盡事宜
應令次第酌籌核辦謹將核議八條另繕清摺恭呈

御覽是否有當伏候

皇上訓示遵行

一該撫等奏明各路碉卡應酌派勇丁及分授田畝以資耕守也
 查湖南鳳凰等廳縣歷年籌修石工汛堡壘卡碉樓哨臺砲臺
 關門共一千一百餘座除分駐官兵外尚有八百餘座原奏鳳
 凰廳安設防丁六千名乾州廳六百名永綏廳二千名古仗坪
 廳一百名保靖縣三百名茲按地方之夷險碉卡之疎密分別
 派駐鳳凰廳止需防丁四千名其餘四廳縣仍按原數募駐並
 仿照貴州省九衛屯田之制於屯丁內挑設小旗總旗百總以
 資管束通計五廳縣共設屯丁七千名內散丁每名給田四畝
 五分小旗每名給田五畝五分總旗每名給田六畝五分百總
 每名給田七畝五分共給田三萬二千六百九十畝俱於均出

田畝內就近撥給於各屯卡居住耕守等語臣等伏查湖南鳳
 凰乾州永綏古仗坪保靖等廳縣與苗寨毗連原設勇丁以資
 防守今各丁均已授田歸屯據該撫等酌核情形共留七千名
 分駐各廳縣仿照貴州省九衛屯田之制於屯丁內挑設小旗
 總旗百總與屯丁等分別授田共需田三萬二千六百九十畝
 俱於均出田畝內就近撥給分佈各屯住居耕守於邊防實有
 裨益應如所奏辦理

一該撫等奏稱鳳凰廳原挑精銳練勇應留備攻戰也查苗疆五
 廳縣沿邊碉卡所駐勇丁每碉不過數名設遇匪徒滋事疎虞
 堪慮查鳳凰廳原挑備戰練勇一千名訓練日久甚為精銳仍

應留備攻戰之用惟此項戰丁習於戰陣農事非其所長且須專事摻演難以分身耕作擬於均出田畝內酌撥田一萬八千畝責成該道督率該道管理召佃收租每年約收租穀一萬八千石每名每年給米三石六斗共需米三千六百石合穀七千二百石尚餘穀一萬八百石卽依時價變賣爲支給鹽菜銀兩之用內散丁每名每年給鹽菜銀十兩八錢小旗每名每年給銀十二兩總旗每名每年給銀十三兩二錢百總每名每年給銀十六兩八錢共需銀一萬一千二十八兩惟糧價貴賤無常難以預定如遇歉收不敷准於餘田租穀內撥補若豐歲有餘卽歸於餘田項下充公備用其遇閏之年應行加增鹽菜口糧亦於餘田租穀項下通融撥給等語臣等伏查鳳凰廳原挑備練勇一千名旣據該撫等聲稱訓練有年甚爲精銳該省苗情反覆不常應准其仍留備用惟此項戰丁專事操防難以分身耕作亦應如該撫等所奏酌撥田一萬八千畝召佃收租約計每年可收穀一萬八千石除每年碾供穀七千二百石尚餘穀一萬八百石於糧價稍昂之時儘數變糶照額定應給鹽菜之數按月分別支放如遇歲收歉薄及有閏之年應行撥補加增銀米統於餘田租穀項下通融撥給並將每年支銷細數於年終造冊送部備查其練勇內遇有事故出缺仍令該撫如數募充報部查核

一該撫等奏稱分撥存剩餘田酌議召佃收租以資經費也查各路碉堡哨臺等項皆係邊地要工自應隨時修葺又屯丁練勇常川慘防均須製給子藥而丁勇紅白事件應需惠賞並陣傷亡故丁勇眷口應給養贍及辦理一切苗務應需盤費飯食並修理倉廩暨倉書斗級工食等項兼有備戰練勇應加開月鹽菜口糧尚需通融撥補均屬無項可支查現在均出歸公田六萬一百餘畝除分授屯丁練勇共田五萬六百九十畝外尚餘田九千四百餘畝應即召佃收租每年約得租穀九千四百餘石變價充公除屯弁應支分例銀三千餘兩外所餘銀兩即為歲修工程等項之需至每年收支各數於年終呈詳院司查核

毋庸報部核銷等語臣等伏查鳳凰等廳縣均出歸公田六萬一百餘畝除分授屯丁練勇田五萬六百九十畝外尚餘田九千四百餘畝據該撫等聲稱該處歲修工程等費無款可支尚需通融撥補應令即以此項餘田召佃收租將每年收穫穀石變價充公除支給屯弁分例銀兩外遇有興修經費及卹賞養贍等需統於此內酌量撥用仍將每年收支各數於年終造冊送部備查

一該撫等奏稱各路屯田應專設屯弁以資經理也查黔省屯制分設衛千總九員以資管束惟屯弁並無領運之責應改為屯千總而南省屯丁防守碉卡亦與黔省屯軍不同尚須添設屯

把總外委藉資分管鳳凰廳擬設屯千總四員屯把總四員屯
外委八員額外八名乾州廳擬設屯把總一員屯外委一員屯
額外二名永綏廳擬設屯千總二員屯把總二員屯外委二員
屯額外二名保靖縣擬設屯外委二員屯額外一名古丈坪廳
擬設屯把總一員以上五廳縣共設屯弁四十員名卽於廳標
現任候補把總外委及歷年管帶勇丁之百總熟悉邊情之營
弁內遴選挑補並於鳳凰廳現設屯弁內酌派屯千總二員屯
把總二員屯外委二員屯額外二名飭令管帶備戰練勇勤慎
摻演仍各歸廳縣管轄總隸於辰沅道統屬並照黔省屯制定
以五年俸滿如果所管屯勇技藝純熟安分力田及備戰勇丁
訓練有方著有成效屯把總外委額外遇有缺出遞相拔補千
總准以苗疆守備題補其散丁小旂總旂百總等有勤能出色
者亦由該屯弁稟明廳縣據實舉報以次拔補其屯千總把總
亦照營員咨部給劄外委額外由道發委詳請咨部至所設屯
弁亦當籌給分例應照營制千總每員歲支銀一百八十餘兩
把總每員歲支銀一百四十餘兩外委每員歲支銀五十餘兩
額外照馬兵分例每名歲支銀三十餘兩共歲支銀三千餘兩
均於餘田租息項下支給等語臣等伏查湖南鳳凰乾州永綏
古丈坪保靖五廳縣沿邊碉卡旣分派勇丁駐紮屯防自應添
設員弁經理以資彈壓如該撫所奏准其於鳳凰廳添設屯千

書院會覽 卷十三 一三
總四員把總四員外委八員額外外委八名乾州廳添設屯把
總一員外委一員額外外委二名永綏廳添設屯千總二員把
總二員外委二員額外外委二名保靖縣添設屯外委二員額
外外委一名古丈坪廳添設屯把總一員卽在於廳標候補把
總外委管帶勇丁之百總及熟悉邊情之營弁內遴選挑補並
准其於鳳凰廳現設屯弁內酌派屯千總二員把總二員外委
二員額外外委二名飭令管帶練勇勤慎摻演一切耕守事宜
盡心經理仍各歸廳縣管轄總隸辰沅道統屬考核千總把總
拔補時咨部給劄外委咨部註冊額外外委由該道發給委牌
造冊報部千總一項五年俸滿如果實心經理訓練有方苗民

相安地方寧謐由該道保送該督覆加考驗出具考語送部引
見回任以苗疆守備題補其尋常供職之員尙無遺悞准其畱任咨
部換劄其把總外委額外外委弁小旗總旗百總著有勤能者
准其隨時拔補如該弁等怠惰廢弛卽隨時咨革毋得稍事姑
容至所設屯弁應籌給分例照營制千總每員歲支銀一百八
十餘兩把總每員歲支銀一百四十餘兩外委每員歲支銀五
十餘兩額外外委照馬兵分例每名歲支銀三十餘兩共歲支
銀三千餘兩旣據該撫聲明在於餘田租息項下支給應令就
款開銷

一該撫等奏稱籌捐存貯銀穀以備荒歉並資接濟也查各路屯

丁練勇豐稔之年自己足敷食用惟年歲豐歉靡常或遇青黃不接之時必須預爲籌備查黔省九衛屯田案內奏明動項採買米二萬七千餘石合穀五萬四千餘石分貯各壘堡以資糶借今湖南平苗軍需報銷內有例不准開銷及續行核減共銀九十五萬三千餘兩先後奏咨於督撫兩司道府州縣養廉內攤賠嗣經議定每年攤扣三成約計扣銀三萬兩應扣至嘉慶三十四五年清完仰懇

聖恩俯准展扣二年將嘉慶十一十二兩年每年約扣三成養廉銀三萬兩共銀六萬兩爲捐備前項之用請先於司庫籌款借撥發交該道傅鼐將二萬兩存貯辰沅道庫遇有應行借墊之項

詳明動撥隨時歸補動銀四萬兩於糧價平減之區採買穀四萬石內撥貯鳳凰廳二萬五千石乾州廳三千石永綏廳一萬石古丈坪廳五百石保靖縣一千五百石分別收貯如遇年歲歉收及青黃不接之時詳明借濟秋後免息收還至所需倉廩約計每穀四百石建廩一間共需籌建倉廩一百間約需銀一千餘兩應卽於餘田租穀項下動用本年先行籌撥銀三萬兩發給傅鼐以二萬兩先買穀二萬石分撥收貯以一萬兩存貯道庫備用餘再陸續借撥足數分別貯備仍將十一十二兩年攤扣養廉先儘歸還此項借款再行接扣軍需賠項等語臣等伏查鳳凰等廳縣屯丁練勇均已授田收租豐稔之年計已足

敷食用惟遇收成歉薄及青黃不接之時則艱食堪虞自應預
為籌備據該撫等奏請將湖南省攤贖軍需案內嘉慶十一
二兩年共應扣養廉銀六萬兩展扣二年以資捐備前項之用
係為該省辦公起見且於軍需賠項仍可致虛懸應准其先
行借扣其所請於司庫內預為借動發交辰沅道庫銀二萬兩
遇有應行借墊之項詳明動撥隨時歸補其餘銀四萬兩於糧
價平減之區採買穀四萬石分撥鳳凰等廳縣加謹收貯如遇
丁力拮据酌量接濟均應如所奏辦理至建置倉廩估需銀兩
既據聲明係在餘田租穀項下動用應令就款開銷仍將司庫
先借支銀三萬兩並續行動借銀兩於該撫等應得十一十二
兩年養廉銀內先行攤扣歸款並將扣還各數按年分晰報部
查核其道庫存貯銀兩各廳縣分貯穀石併令年終造冊送部
備查

一該撫等奏稱屯丁技藝應嚴加訓練並隨時稽查也查安設屯
丁原以鞏固苗疆其備戰練勇則專資攻剿所需鎗械均已分
別製給自應因時操練成成精銳惟屯丁俱有耕種之事不能
照營規操演每年應俟收割以後於十月初一日起至次年正
月底止逢三六九日開操仍於春夏秋三時農工稍暇之際督
令不時演習其備戰各丁既無事於耕作應卽照營制例每年
自七月初一日起至次年四月底止責成專派管帶之屯弁按

三六九日勤加訓練倘各丁內有農業不勤技藝不熟甚或不
守屯規酗酒滋事以及私擅離伍許廳員分別究革撤田另補
倘百總等有心徇隱及屯弁失察徇縱卽一併究懲仍令道廳
隨時查察若不實力稽查亦照例分別參處至授田各丁多係
捐戶子弟親族及出力之丁勇自應令其且耕且守奉爲世業
該屯丁內或有年老辭退或病故出缺卽於該丁子孫內選擇
承頂若無人可補另行撤田募充不許私行典賣仍將頂充姓
名詳註檔冊以備稽查等語_臣等伏查安設屯丁原以捍衛苗
疆自應嚴加訓練咸成勁旅如該撫奏稱耕種之子不能照營
規操演請於每年收割以後自十月初一日起至次年正月底

止逢三六九日開操仍於春夏秋三時農隙之際不時演習其
備戰各丁旣無事於耕種應卽照營制於每年七月初一日起
至次年四月底止責成管帶屯弁按三六九日勤加訓練倘各
丁內有農業不勤技藝不熟以及不守營規酗酒滋事擅離營
伍情事許廳員分別究革倘百總等有心徇隱及屯弁失察徇
縱卽一併懲處仍令道廳隨時查察若不實力稽查照例分別
參處等語均應如該撫所奏辦理至授田各丁各係捐戶子弟
及出力之丁勇自應令其且耕且守奉爲世業應令該撫如該
屯丁內或年老辭退及病故出缺卽於該丁子孫內選擇承頂
倘無人可補另行撤田募充不許私行典賣

一該撫等奏稱嚴禁民人擅入苗寨索詐欺凌以期民苗相安也查舊例民人原不准擅入苗地自乾隆二十九年以苗人向化日久准與內地民人姻婭往來漸資化導而日久弊生苗人遂藉口客民盤剝侵佔糾結滋事現在苗民界址劃分清楚應申明舊例漢民仍不許擅入苗地私爲婚姻以免滋事惟各處集場原許民苗按期趕趁應令汛屯員弁親爲彈壓無許市僧侵欺其有苗人控訴詞訟卽令苗弁傳送秉公審結不許擅差兵役入寨倘有奸民無故擅入苗地及不肖兵役私入索擾立即懲究廳縣營汛失於查察亦分別參處等語臣等伏查鳳凰等廳縣民苗雜處邊隙易生從前原禁止往來嗣因苗人馴伏有年始有與內地民人約爲婚姻以及在內開墾等事遂致苗人藉口侵欺糾結滋擾現在苗境肅清不可不防其漸應如該撫所奏此後仍不許漢民擅入苗地惟各處集場仍准其按期趕趁並令汛屯員弁親加彈壓至苗人詞訟卽令苗弁傳送不許兵役入寨倘有奸民擅入苗地及兵役索擾立即懲辦該管官失於覺察亦卽參處

一該撫等奏稱清查叛產佔田分佃收租贍給苗兵也查本年勦洗永綏各處苗匪之後羣苗震懾兵威將從前強佔田地盡數繳出並查有逆苗叛產酌議一併歸公分佃良苗承種納租卽可挑留苗兵以資養贍現在各寨繳出佔田逐一清丈共田地

三萬一百餘畝並清查逆苗叛產亦丈收田地五千四十餘畝
共三萬五千一百餘畝俱經分別造冊分佃收租計可養贍苗
兵五千名所有歷年裁存土塘苗兵九千九百餘名內有可以
自行謀生裁令歸寨及老弱窮苗一體撥田承佃外現在挑畱
壯健苗兵五千名內鳳凰廳二千名乾州廳八百名永綏廳一
千八百名古丈坪廳一百名保靖縣三百名其苗人應繳租糧
經各苗弁於各苗寨內自行擇地建倉以備收貯每倉公舉殷
實苗弁二三名專司催收支放計前項田地三萬五千餘兩約
計每年可收籽粒二萬二千餘石每苗兵一名歲給口糧三石
六斗每年共需糧一萬八千石計尚存籽粒四十餘石積存苗
倉以備撥補併爲加給苗兵閏月口糧之需仍飭該苗備弁將
每年收得租數據實具報等語臣等伏查永綏廳各處清查各
苗佔田叛產共田三萬五千一百餘畝據撫察核情形將節年
裁存土塘苗兵九千九百餘名除分別佃田歸寨外餘仍酌畱
苗兵五千名卽將此項田畝分佃良苗納租每年約計可收籽
粒二萬二千餘石每苗兵一名歲給口糧三石六斗共需糧一
萬八千餘石餘糧存貯苗倉畱爲不敷之用所奏亦屬可行仍
令該撫飭令選舉殷實苗弁將苗人繳出租糧存貯公倉專司
收放並於年終將收支各數造冊送部備查

訓練說

兵懦而不精銳詎能殺敵致果驕而無紀律詎知抗節效忠有
勇知方顧不重歟歷觀古名將如曹南院之數千甲士環立待
命寂然無人馬聲岳少保之撼山易撼岳家軍難惟其士之訓
練有素技藝精嫻而約束堅明故能用少擊衆所向無前其在
苗疆之中宋史稱辰州團練使秦再雄練土兵三千人皆能披
甲渡水歷山飛壘又遣親校三十人分使諸蠻宣布

朝廷威德自是一方又安無復邊患則又練民勇之成效矣今制沿
邊營汛之外屯練七千名軍制不為不盛果其勤於操練俾人
皆習於步伐止齊暇日教以兵法講明孝弟忠信勇則盡百金
之士義則有君子之號頑苗近在郊野自當聞風震懾即偶有

騷動而以輕剽之衆當節制之師鮮不立見芟除者是在各弁
之各勤其職而總理屯練者督察有方賞罰無私耳特詳訓練
規條於後

訓練條規

備戰練勇每年七月起開操至次年四月底止管帶屯弁按照
三六九日勤加訓練每季兵備道示期大操一次
屯丁每年自十月初一日起開操至次年正月月底止管帶屯弁
按照三六九日操練仍於春夏秋三時農隙不時演習每年兵
備道於正月內示期大操一次

火器鎗手

黎明打靶跳刀

初一平靶初二上靶

早飯後演五七十子習拳棍綁鉛瓦跳高

每日空比五日放響一次

晚飯後至二更拉弓聽講孝經武經

刀矛手

黎明習刷刀長矛綁鉛瓦跳高習藤牌

早飯後習拳棍雙刀單刀鐵尺

晚飯後至二更拉弓聽講孝經武經

砲手

黎明扛砲位背子藥至教場周圍快走三次

早飯後跳刀打棍綁鉛瓦跳高

晚飯後至二更拉弓聽講孝經武經

百總總旗

黎明帶勇丁操演並習本身馬步箭

早飯後習刷刀長矛短刀綁鉛瓦跳高

晚飯後拉弓習拳輪講孝經武經

屯標各弁

黎明摻演勇丁並習本身馬步箭

早飯後操練勇丁並習本身刷刀長矛短刀

晚飯後帶同營書百總總旗勇丁拉弓講孝經武經

屯弁跟役照散丁一體操演

天氣清明涼爽之日各帶鉛瓦於五更爬坡捷行山路十數里
 風雨泥濘之時亦於黎明帶鉛瓦爬坡習慣勞苦
 每月於教場乾燥之時早晚赴深潭演習水戰

朔望聽講

聖諭

早於黎明四鼓時起
 下對殿並習水戰
 朔望聽講

